



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SETSWANA PUOTLALELETSO YA NTLHA (FAL)

PAMPIRI YA BORARO (P3)

2019

KAEDI YA GO TSHWAYA

MADUO: 100

Kaedi e ya go tshwaya e na le ditsebe di le 15.

ELA TLHOKO:

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAKANYO (Tsibogelo le dikakanyo) Thulaganyo ya dikakanyo tsa ipakanyo Temogo ya maitlomo, baamogedi le bokao	Maemo a a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakane le go tlhoka tsepamo -Di gasagane le go boelediwa -Ga e a rulagana e bile ga e a lomagana
30 MADUO	Maemo a a kwa tlase	25–27 -Tsibogelo e e manontlhotlho, mme e tlhabela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakatlhakane

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (continued)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a a kwa godimo	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlhaolegile -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tlhamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tlhagisa bokao -Segalo se maleba -Tiriso ya malepa a a tlhotlheletsang ya go tlhagisa diteng	5–6 -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	0–3 -Puo ga e thaloganyesege -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go thaloganya
	Maemo a a kwa tlase	13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tlhamilwe ka manontlhotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlhamilwe bontle	7 -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota	
KAGEGO Diponagalo tsa setlhangwa Kago ya ditemana le go thangwa ga dipolelo 5 MADUO		5 -Kago e e manontlhotlho ya setlhogo -Dintlhana tse di tlhaolegile -Dipolelo, ditemana di bopilwe bontlentle	4 -Kago e e latelanang ya dintlhana -Lomagane -Dipolelo le ditemana di a latelana, di a farologana	3 -Kago ya dintlhana tse di maleba -Dipolelo le ditemana tse di bopilweng sentle -Tlhamo e sa ntse e na le thaloganyo	2 -Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le thaloganyo	0–1 -Dintlha tse di botlhokwa di a tlhalela -Dipolelo le ditemana di fosagetse -Tlhamo e tlhoka thaloganyo
SEELO SA MADUO		43–50	33–40	23–30	13–20	0–10

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di bothale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 12	10–12 -Segalo, rejisetara, setaele le tlotlofoko tse di lolameng thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lolameng thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	25–30	19–23	14–17	9–12	0–7

RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA KAROLO YA C [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tliaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso MADUO 12	10–12 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	8–9 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	6–7 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	4–5 -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegile ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 08	7–8 -Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	5–6 -Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	4 -Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3 -Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–2 -Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tihakatlhakane -Tlotlofoko ga e maleba go maitlhommo -Bokao bo kgoreletsegile tota
SEELO SA MADUO	17–20	13–15	10–11	7–8	0–5

GO KWALA LE GO TLHAGISA**KAROLO YA A: TLHAMO: MADUO: 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Bogatlapa ba me, bo ne ba nthusa.	Kanelo
1.2	Ke nako, thuba tidimalo!	Kanelo
1.3	E ne e se maikaelelo a me.	Tlhaloso
1.4	Fa nkabo ke itsitse ...	Maitlhommo
1.5	Moithuti mongwe le mongwe o tlhoka tshegetso ya barutabana le batsadi.	E e sa tseeng letlhakore
1.6	Boineelo ke selo se se botlhokwa mo mothong.	Ngangisano
1.7 1.7.1–1.7.2	Lebelela ditshwantsho tse di latelang, mme o tlhophe se le sengwe go kwala tlhamo.	Kanelo/Tlhaloso/E e sa tseyeng letlhakore/Ngangisano/Maitlhommo

KAROLO YA B: DITLHANGWA TSE DILEELE TSA TIRISANO: MADUO - 30

DINOMORO TSA DIPOTSO	MOFUTA WA SETLHANGWA
2.1	Lekwalo la botsalano
2.2	Athikele ya lokwalodikgang
2.3	Puo
2.4	Tsa botshelo jwa moswi

KAROLO YA C: DITLHANGWA TSE DIKHUTSHWANE TSA TIRISANO: MADUO - 20

DINOMORO TSA DIPOTSO	MOFUTA WA SETLHANGWA
3.1	Ditaelo
3.2	Phasalatso
3.3	Posekarata

PALOGOTLHE YA TLHATLHOBO: 100

MEFUTA YA DITLHAMO**1.1 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Bogatlapa ba me, bo ne ba nthusu.	<ul style="list-style-type: none"> ✓ Motlhatlhojwa a ka anela ka se se neng se mo tshositse kgotsa se mo gakgamaditse. ✓ Ke eng se a se dirileng go iphalosa mo dinakeng tsa kukama. ✓ Ke malepa afe a a a dirisitseng go intsha mo sepitleng. ✓ Motlhatlhojwa a ka feleletsa ka go neela maele a gore o ka dira eng gore o se tsene mo mathateng.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.

[50]**1.2 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Ke nako, thuba tidimalo!	<ul style="list-style-type: none"> ✓ Motlhatlhojwa a ka tlhalosa ka botlhokwa jwa go thuba tidimalo. ✓ A ka bua gore ke eng se se tlhotlheleditseng gore a thube tidimalo. ✓ A tlhalose gore ke tiragalo efe e e neng ya dira gore a feleletse a bua. ✓ Motlhatlhojwa a ka feleletsa ka go rotloetsa batho ba bangwe go thuba tidimalo.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.

[50]**1.3 TLHAMO YA TLHALOSO**

Mokwadi mo tlhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di solofetsweng
E ne e se maikaelelo a me.	<ul style="list-style-type: none"> ✓ Motlhatlhojwa a re tlhagisetse gore go tlele jang gore a dire se a se dirileng. ✓ A re tlhalosetse gore o lemogile jang gore o mo mathateng. ✓ Motlhatlhojwa a tlhalose gore go ka rotloediwa batho jang go efoga se ena a fetileng mo go sona.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimolledi.
- Motlhatlhojwa a bontshe fa a na le maitemogelo ka setlhogo se.

[50]**1.4 TLHAMO YA MAITLHOMO**

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhommo a gagwe.

Setlhogo	Dintlha tse di solofetsweng
Fa nkabo ke itsitse ...	<ul style="list-style-type: none"> ✓ Motlhatlhojwa a ka tlhalosa ka tiragalo nngwe. ✓ A tlhagise gore ke eng se a ka bong a se dirile fa a ne a itsitse. ✓ A ka tlhagisa diphetogo tse a ka di dirang go tokafatsa maemo a a neng a iphitlhela a le mo go ona. ✓ A ka tlhagisa botlhokwa jwa go lemoga sengwe ka nako. ✓ A ka khutlisa ka go eletsa batho go se itsenye mo dilong tse ba sa di itseng.

Kaedi ya go tshwaya: Tlhamo ya maitlhamo

- Tlhamo ya maitlhamo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa.
- Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/Megopolo/Maikutlo di tshwanetse go senola boammaaruri le maitemogelo.

[50]

1.5 TLHAMO E E SA TSEYENG LETLHAKORE

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano, matlhakore a lekalekane.

Setlhogo	Dintlha tse di solofetsweng
Moithuti mongwe le mongwe o tlhoka tshegetso ya barutabana le batsadi.	<ul style="list-style-type: none"> ✓ Motlhatlhojwa a tlhalose gore o kaya eng ka tshegetso ya barutabana le batsadi. ✓ A tlhagise dintlha tse di senolang ditlamorago tse di tliwang ke fa batsadi le barutabana ba sa ba neye tshegetso. ✓ A tlhagise dintlha tse di ka tliang tharabololo ya bothata jo. ✓ A ka khutlisa ka go neela ditshitshinyo tse barutabana le batsadi ba ka di salang morago.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha tse di lekalekanang.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]**1.6 TLHAMO YA NGANGISANO**

Mo tlhamong e, motlhatlhojwa o tlhagisa kakanyo, ntlhakemo, mme a nganga ka maitlhommo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
Boineelo ke selo se se botlhokwa mo mothong.	<ul style="list-style-type: none"> ✓ Motlhatlhojwa a tlhagise gore a o dumalana le setlhogo kgotsa nnyaya. ✓ A tlhagise dintlha tse di tlhotlheleditseng ntlhakemo ya gagwe. ✓ Motlhatlhojwa a ka neelana ka dikao tse di tshegetsang ntlhakemo ya gagwe. ✓ Motlhatlhojwa a ka khutlisa ka go senola mathata a a amanang le ntlhakemo ya gagwe le gore a ka efogiwa jang.

Kaedi ya go tshwaya: Tlhamo ya ngangisano

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsang ntlhakemo ya gagwe, mme a tlhalose se.
- Tlhamo e, e tlhagisa letlhakore le le lengwe, mme dikakanyo di tlhagisiwa ka kgatelelo e kgolo.
- Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumalana le se se tlhagisitsweng.
- Tlhamo ya mofuta o, e kwalwe ka pakajaanong.

[50]

- 1.7 1.7.1- Tlhamo ya kanelo/tlhaloso/nangisano/maitlhommo e e sa tseyeng
1.7.2 letlhakore.

[50]

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO

DITLHANGWA TSE DILEELE TSA TIRISANO

2.1 LEKWALO LA BOTSALANO

Lekwalo la botsalano	Dintlha tse di solofetsweng
Motlhatlhojwa o kwalela tsala lekwalo la botsalano ka ga sekgele se a se boneng kwa dikgaisanong tsa mabelo.	<ul style="list-style-type: none"> ✓ Motlhatlhojwa a tlhagise maikutlo a gagwe ka dikgaisano tsa mabelo. ✓ A dirise puo e e tlhamaletseng. ✓ A bolele se se neng se diragala kwa dikgaisanong tsa mabelo. ✓ A ntshe maikutlo a gagwe ka sekgele se a se boneng. ✓ Motlhatlhojwa a kwale ka boripana le go tota kgang.

Kaedi ya go tshwaya: Lekwalo la botsalano

- Motlhatlhojwa a kwale aterese le letlha ka botlalo.
- A kwale leina la lefelo le le mo atereseng ka ditlhaka tse dikgolo
- Ditumediso di supe botsalano.
- Matseno a nne maleba le setlhogo.
- Diteng di bontshe maikutlo a gagwe ka sekgele.
- Bokhutlo e nne jo bo kgodisang.
- Motlhatlhojwa kwa bofelong a ka tlhagisa mafoko a a latelang:
(Ke nna kgotsa Tsala ya gago).
- Motlhatlhojwa a tlhagise leina la gagwe kwa ntle ga sefane.

[30]

2.2 ATHIKELE YA LOKWALODIKGANG

	Dintlha tse di solofetsweng
Motlhatlhojwa a kwale athikele ka bagwebi ba diritibatsi.	<ul style="list-style-type: none"> ✓ Motlhatlhojwa a tlhagise mathata a a ka tlholwang ke diritibatsi. ✓ A dirise puo e e tlhamaletseng. ✓ A tlhagise dikgato tse di ka tsewang go fedisa tiriso ya diritibatsi le gore go ka dirwa eng ka bagwebi. ✓ A ntshe maikutlo a gagwe ka tiriso ya diritibatsi. ✓ Motlhatlhojwa a kwale ka boripana le go tota kgang.

Kaedi ya go tshwaya: Athikele ya lokwalodikgang

- Motlhatlhojwa o na le kgololosego ya bobegadikgang.
- O patelesega go ngoka kgang ya gagwe, mme fela a sa nyeletse bonnete jwa kgang.
- Temana ya ntlha e tshwere bontsi jwa dikgang gonne e araba dipotso Kae? Mang? Leng? Jang?
- Kgang e neelwa setlhogo se se itlhalosang e bile se gogela.

[30]

2.3 **PUO**

Puo ke karolo ya botlhokwa ya go fatlhosana. Ke tlhagiso e e neelwang mo kopanong/moletlong o o rileng. E neelwa go kgothatsa kgotsa go rotloetsa mong wa moletlo le batlamoletlong. Puo e tshwanetse go kgatlhisa le go neela tshedimosetso e e ka thusang mo botshelong ka kakaretso.

Puo	Dintlha tse di solofetsweng
Motlhatlhojwa a kwale puo e a yang go neelana ka yona kwa moletlong wa taelano ya morutabana yo o rolang tiro.	<ul style="list-style-type: none"> ✓ Motlhatlhojwa a tlhagise matseno a a ngokang mo tlhagisong ya puo. ✓ A kwale dintlha tse di botlhokwa tse di amanang le tse morutabana a neng a rata go di dira. ✓ A akgole morutabana ka tiro e ntle e a kileng a e dira. ✓ A mo eleletse katlego mo botshelong jwa gagwe jwa boikhutso. ✓ Dintlha di golagane le go nyalelana. ✓ A dirise puo e e repileng.

Kaedi ya go tshwaya: Puo

- Go dirisiwe dipolelo tse dikhutshwane ka dikakanyo tse di bonolo.
- Dikao tse di dirisiwang e nne tse di tlwaelegileng.
- Matseno e nne a a ngokang.
- Diteng di nne maleba le go kgatlhisa.
- Dintlha di agiwe ka tolamo le gore di se phatlhalale.
- Bokhutlo bo digele dikgang tsa sebui ka tsela e e maleba, mme bo se nne tshobokanyo ya puo ya dintlha tse di builweng.
- Segalo le setaele di nne maleba le mofuta wa moletlo gammogo le batlamoletlong.

[30]2.4 **TSA BOTSHELO JWA MOSWI**

Ke tshedimosetso e e tlhagisitsweng ka botlalo fela e le khutshwane, ka ga botshelo jwa yo o tlhokafetseng.

Tsa botshelo jwa moswi	Dintlha tse di solofetsweng
Motlhatlhojwa a kwale tsa botshelo jwa moswi, yo e neng e le tsala ya gagwe jaaka a laetswe ke balosika.	<ul style="list-style-type: none"> ✓ Motlhatlhojwa a latele sebopego sa go tlhagisa setlhangwa se ka tlhomamo. ✓ Motlhatlhojwa a tlhagise tshedimosetso ka dintlha tse di latelang: Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo. ✓ Motlhatlhojwa a tlhagise gore loso lwa tsala lo bakilwe ke eng. ✓ A dirise puo e e bonolo e bile e tlhologanyega.

Kaedi ya go tshwaya: Tsa botshelo jwa moswi

- Motlhatlhojwa a tlhagise tshedimosetso ka dintlha tse di latelang:
Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo jj.
- Motlhatlhojwa a neelane ka tshedimosetso ka botlalo, fela e nne e e maleba.

[30]**PALOGOTLHE YA KAROLO YA B: 30**

KAROLO YA C: DITLHANGWA TSE DIKHUTSHWANE TSA TIRISANO**3.1 DITAELO**

Ditaelo ke tshedimosetso ya botlhokwa e e tlhagisiwang pele go diragadiwa kana go dirwa tiro nngwe e e rileng. Ditaelo di tlhagisa tshedimosetso mabapi le se se diriwang gore se dirwe *leng, kae, jang*.

Ditaelo	Dintlha tse di solofetsweng
Motlhatlhojwa a kwale ditaelo tse diopedi di tshwanetseng go di sala morago fa ba le kwa khonserateng ya mmino.	<ul style="list-style-type: none"> ✓ Motlhatlhojwa a neele taelo ka tse di tlhokegang, sekao, ba se goe, ba se tsamae mo phefong jj. ✓ Motlhatlhojwa a ka neelana ka ditaelo tsa tlaleletso jaaka go nwa metsi a a bolelo. ✓ A ka kwala ka tse ba sa tshwanelang go di dira.

Kaedi ya go tshwaya: Ditaelo

- Motlhatlhojwa a neele dintlha tsa tshedimosetso tse di tlhokegang.
- A tlhagise ka botlalo se se tshwanetseng go dirwa.
- Motlhatlhojwa a tlhagise mokgwa o diopedi ba tshwanetseng go itshola ka ona.
- Dipolelo tsa motlhatlhojwa e nne tse dikhutshwane e bile di nne bonolo.
- Ditaelo di tlhagisiwe ka dintlha e seng ka temana.
- Ditaelo di se ke tsa nna dintsi thata.

[20]**3.2 PHASALATSO**

Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona.

Mophasalatsi a ka dirisa dikuranta, dimakasine, seyalemowa le thelebišene go lemosa babuisi ka ga kgwebo.

Phasalatso	Dintlha tse di solofetsweng
Motlhatlhojwa a thale phasalatso e e tla ngokang banwi ba dinotsididi tsa Coca-Cola.	<ul style="list-style-type: none"> ✓ Motlhatlhojwa a kwale lefelo le tiragalo e yang go tshwarelwa kwa go lona. Aterese le dinomoro tsa mogala. ✓ Motlhatlhojwa a tlhagise le go dirisa ditogamaano tsa phasalatso a lebisitse mo mefuteng e e farologaneng ya batho. ✓ Motlhatlhojwa a tlhagise kgatlhego le go dira gore phasalatso ya gagwe e ngoke. ✓ Phasalatso e bontshe gore go phasaladiwa dinotsididi tsa Coca-Cola, dife.

Kaedi ya go tshwaya: Phasalatso

- Letshwao la kgwebo le tlhagisiwe sentle.
- Bareki kgotsa badirisi ba ba tobilweng.
- Nako ya ditirelo e tlhagisiwe sentle.
- Puo e ngoke babuisi.
- Tshedimosetso ya megala le leina la yo go ka ikgolaganngwang le ena di tlhagisiwe.

[20]**3.3 POSEKARATA**

Posekarata ke karata e e dirisiwang go romela molaetsa kwa ntle ga enfelopo.

Posekarata	Dintlha tse di solofetsweng
Motlhatlhojwa a kwale posekarata a itsise tsala ka dipuisano tsa palamente fa a ne a tlhophilwe go emela bašwa ba motse wa bona.	<ul style="list-style-type: none"> ✓ Motlhatlhojwa a kwale ka se a ileng go se dira kwa palamenteng. ✓ Motlhatlhojwa a ntshe maikutlo le maitemogelo a gagwe ka dipuisano tsa palamente. ✓ Diteng tsa karata di tlhagise ditiragalo ka botlalo.

Kaedi ya go tshwaya: Posekarata

- Dikgang e nne tsa botsalano e bile di nne dikhutshwane.
- Dintlha tsa botlhokwa le tse di maleba.
- Letlha le lefelo di tlhagisiwe.
- Puo e e dirisiwang e ikaege ka botsalano jwa mokwadi le moamogedi.

[20]

PALOGOTLHE YA KAROLO YA C: 20
PALOGOTLHE YA TLHATLHOBO: 100